

兩浙名賢錄

兩浙名賢錄卷五十一 目次

列女

元二

黃仲起妻朱氏

大妻弟嫡
乳母附

王琪妻蔡氏

婢附

王氏女

半淑沈氏

章瑜妻傅氏

俞新妻陶氏

柳烈女

孫信妻黃氏

沈阿奴

張誠妻章氏

張葵妻莊氏

張氏二孀女

季銳妻何氏

吳守正妻薛氏

方仲剛妻吳氏

劉公寬妻侯氏

呂玄明妻朱氏

丘岩妻盛氏

多奴卯
奴附

金幼芳妻高氏

程繪妻金氏

周誠德妻陳氏

陳程妻葉氏

明一

童賢母羅氏

賈明善妻宋氏

胡守貞

王志
清附

鄭洪妻石氏

黃謙昭妻孫氏

陳氏

汪欽妻周氏

俞氏三簡

王和欽妻馬氏

孫宋雙節

吳善慶妻孫氏

唐方妻丁氏

王守中妻劉氏

子中允附

席祥妻吳氏

魏節嬾趙氏

子媳應氏附

鄧理妻沙氏

張景忠妻陳氏

陳敏人妻倪氏

許瑜妻季氏

陳思恭妻莊氏

趙淑民妻盧氏

閩州守妻宋氏

蔣倫妻戴氏

徐宗谷妻張氏

鄭翰卿妻徐氏

黃紳妻洪氏

奴胡氏姪
嬭胡氏附

渣順妻徐氏

李羽妻俞氏

子嬭吳氏孫
嬭陳氏附

胡谷銘妻王氏

夏子昭妻顧氏

周天寵妻黃氏

方氏二烈女

石孝女

潘仲母妻程氏

楊彥璋妻魯氏

金良女汝安

童敦妻李氏

袁堅妻方氏

華榮女妙清

孟貞女繼

胡昌妻汪氏

李志寧妻劉氏

呂嗣芳妻顧氏

宋原用妻石氏

方良規妻章氏

王伯燿妻張氏

章孝女銀兒

徐孝女

譚弘妻沈氏

姚璣妻周氏

王雍妻柳氏

包慎妻徐氏

吳曇妻嚴氏

孔淑貞附

虞守中女鳳娘

徐文佩妻鄭氏

范氏二女

徐福壽妻王氏

俞姻奴

葉俊妾何氏

李政妻三女

宋允中妻魏氏

李汀妻呂氏

朱奉妻吳氏

陳曙妻張氏

馮光濟妻劉氏

周廷輝女

周本恭妻趙氏

蔡儼妻包氏

谷得與妻陳氏

翁錄妻鄭氏

楊孟輝女守貞

諸仕俊妻舒氏

趙孝女

包文助妻張氏

徐傑妻任氏

包謙妻鄭氏

張昱妻彭氏

陳佳妻王氏

吳節婦鄭氏

葉孔賓妻鄭氏

妾何氏附

孫玉妻楊氏

何謙妻吳氏

高逾妻李氏

子頌曹子
妾陸附

兩浙名賢錄卷五十一 目次終

蘇州府志

卷之五十一

四

九

兩浙名賢錄卷之五十一

東海徐象梅仲和氏課

錢塘袁升聞德玄氏閱

列女

元二 共二十八人

黃仲起妻朱氏

女素弟頰乳母附

朱氏杭州人黃仲起妻至正十六年張士誠寇杭驅諸
頰至令監守期暮且至朱懼辱遂與女俱縊死妾馮氏
曰我生何爲亦自縊既而仲起弟頰蔡抱其幼子與乳

母湯皆自殺一門五烈視婦如歸賢者以爲難

王琪妻蔡氏

婢附

王琪妻諸暨蔡氏女至正中張士誠陷諸暨蔡避亂長寧鄉山中賊兵卒至道傍有造紙鑊方沸遂投其中死賊驅其從婢婢曰主母死我可驅乎賊怒殺之

王氏女

王氏女建德人至大間其父出和舍旁遇豹爲其所噬曳之升山女號父聲驚呼奔救以父所弄鋤奮擊豹腦豹死父乃得生隣人比之劉平妻

千涇沈氏

吳興千涇沈氏同里邵氏嬭也。至正二十四年，夫邵爲軍士所殺，沈有殊色，虜置船上，溪流迅急，乘間躍入水中。船去甚疾，意其已沒，不復顧。適張掾舟過之，見鬢如雲，被水面視之，乃嬭人，衣濺水上，不能下沉，死卽引救之。問乃知其姓，與其里居，易衣置後艦內，使守視之。其下諭之曰：汝遇吾張君，幸得不死，張掾今貴人，汝能事之，且更得福，勿憂也。沈氏謝曰：幸諸君見憐，欲活我，吾見吾夫被創甚，吾心已許之，恨不及生時使之見也。且

張君欲我安用失節。嬾人哉。遽噤不復言。度勢不可出。視其旁有竹箸一束。夜二鼓。卽以箸納口中。面力觸舟。箸入喉。以死。明日張爲斂而焚之。

章瑜妻傅氏

傅氏諸暨人。年十八。適同里章瑜。瑜爲苛吏脅軍。與期會。迫死道上。計至傅氏。匍伏往抱屍歸。號泣三日。夜不輟。旣入歛。至嚙其棺成穴。及葬。自投其身壙中。母強挽之。乃已。居近百里。母欲奪其志。傅聞遂大慟。不食。母矚侍婢。謹視之。間數日。使婢入室。理浴具。忽失傅。在明。

巨汲水則見倒植井中死矣。

俞新妻聞氏

聞氏紹興俞新之妻也。大德四年新沒。聞年尚少。父母慮其不能守。欲更嫁之。聞氏哭曰。一身二夫。烈嬾所耻。妾可無生。可無耻乎。且姑老子幼。妾去當令誰視也。卽斷髮自誓。父知其志篤。乃不忍強。姑又病風。且失明。聞氏手滌溷穢。不怠。時漱口上堂。舐其目。目爲復明。及姑卒。家貧無資。營墓。乃日與子親負土。葬之。朝夕悲號。聞者恻。鄉里嘉其孝。爲之語曰。欲學孝嬾。當問俞氏。

柳烈女

柳烈女嘉興人父爲縣吏至正末紅巾賊陷嘉興女時年十八與其父母同竄匿爲賊所得驅以行至河滸緝欲結襪賊不加防遂投水死郡人金網爲之記

孫信妻黃氏

黃氏平陽人爲同邑孫信妻至正十四年爲賊所掠以堯子昇之黃氏哭曰吾死耳不從汝往也自墜於地時賊燒民居火甚乃赴火死

沈回奴

沈回奴德清人年十八元末兵亂回奴匿於蘆港中賊
獲之求與合回奴從容諭之曰我願爲若妻然我室女
必擇日具禮乃可賊信之擄至營責擄嬾守之回奴夜
援所笄銀簪截其喉以死

張減妻章氏

張減妻新昌章氏女名孝行至元二年從姑逃亂產芝
山中爲軍所掠不從遇害姓在藜棘中抱屍慟哭而絕

張英妻莊氏

莊氏名淑貞諸暨張英妻生有豔質父宦游獨與母居

至正乙巳張士誠引兵攻新城城陷被執度不叩免厲聲大罵因爾輩鼠賊耳敢肆行無禮執略衣冠子女乎我死卽死奪我終不可得也賊怒抉其口而死宋太史景濂傳其事

錢氏二烈女 俞氏頰附

錢氏二烈者嘉興錢子願之二妹也至正末紅巾賊至其家二女義不受辱乃相與結裙裾投河而死賊驚捨去其後子願妻俞氏亦以守節旌門鄉人稱其家二貞

一節云

季銳妻何氏

季銳妻龍泉人姓何氏。至正中避兵於邑之城門岩。賊至何氏被執欲污之。乃與子榮兒女同娘投崖而死。

吳守正妻禹氏

禹氏名淑靜崇德人。吳守正妻也。嘗從容語其夫曰。左今盜賊盜起萬一不測妾惟有死而已。宜預爲計。及盜陷崇德。淑靜抱八歲女倉皇出門。賊追及之。叱曰。止。不止殺爾。淑靜度不免。遂抱幼女投水死。明日得屍抱女僵立水中如生。藁葬石門鎮。人表其墓曰。貞母。阡徐。

夔爲之記

方仲剛妻吳氏

吳氏女名埠蘭，谿方仲剛妻。遭元季兵亂，與其夫避難，離家而行一里許，聞鼓譟聲，足弱弗能步，度不可免，乃謂夫曰：君宜自脫禍，勿以妾爲累。夫曰：子將若何？吳曰：妾義不受辱，惟有死耳。夫號泣不得已，捨去。旣而游兵四集，將追及，適見道傍有梅塘，水潔且深，吳喜曰：得死所矣。遂投入以死。越數日，兵去，夫踪跡其處，見屍橫池面，雖盛暑而顏貌如生，爲之痛哭，遂舉葬焉。時至正歲

戊夏六月也。章楓山有烈頰序。童利故有烈頰傳。縉紳士大夫多歌詠之。

劉公寬妻侯氏

侯氏永嘉人。爲劉公寬妻。居南溪。稱名家。至正戊戌。方明善據溫。公寬圍結里中少年。守禦鄉井。語諸年少曰。方賊昔荼毒吾郡。恨不食其肉。而寢處其皮。今乃挾脅鎮撫。職名據此。溫人從而忍事之。獨不媿於心乎。誓不與此賊俱生也。遂率衆渡江。由鎮海至千佛寺。徑襲明善。卧內殺其吏楊廷憲。明善由間道脫去。公寬歛兵退。

保溪山明善連歲攻之弗克無何公寬爲其下金興所害取其首以獻明善侯氏收斂夫尸結蒲爲首以葬乃撫膺而號曰吾夫以身殉國遂結仇方寇寇至必辱我以雪其憤奈何以貞潔之頸飲賊刃乎不如先死乃自縊二子皆自殺

呂玄明妻朱氏

朱氏永康人歸同邑呂玄明元末羣盜蜂起玄明與東陽陳顯道各舉義兵擊賊有功遂欲乘勝討方國珍時臺官多受賂賂爲之內主乃遣宣差詐召玄明而殺之

并害其子。堪朱氏聞報，卽從跳號泣走，訴於陳顯道。曰：吾夫破家爲國有功，不賞，顧蒙顯戮，以快仇讐。妾婦人力弱，憤不能報。君義士也，倘念同功之誼，出一臂以相助，得取仇人而甘心焉，則吾夫雖死，猶生之年也。亦不至冷天下義旅心。君其速圖之。顯道曰：諾。卽擊豕醢酒，會里中義勇者數十人，從朱氏疾追之。及宣差於中道，遂擒以還。朱氏設夫靈，焚香，爇燭，生取心以祭。當是時，義烈之聲震於天下，莫不曰：夫死於忠，子死於孝，婦貞於義，而能借力報仇，使忠孝之心無憾焉。求之古人中。

其孫翊徐夫人之流歟。

丘岩妻盛氏 多奴卯奴附

盛氏烏程人嫁丘岩元末兵亂岩挈避於官澤沈家堦
盛時年二十四恐寇至被汚曰堦水清當死於此岩妹
多奴卯奴俱年少聞嫂言遽應聲曰願與大嫂一處死
未幾寇至盛氏投水死二姑相繼以沒時至正二十四
年四月二十八日也

金幼芳妻高氏

高氏名文奴遂安人年二十六平陽金幼芳娶以爲媼

明年生子暉。暉生七月而幼，芳以病死。當是時，方明善日事兵爭，高徭負暉，窟匿山谷間，紡績以自給。或勸其擇所從，高曰：「我足一踐金氏門，知死金氏而已。」餘尚復何慮乎？與其藜節倖生，孰若死飢死寒死兵也。植志益堅，不爲浮言所惑。暉稍長，日夜策勵之，以詩書底於成立。鄉人士無少長咸稱之曰：「貞嬾。」太史蕪平仲爲之傳。

程徐妻金氏

金氏詳定使四明程徐妻也。京城旣破，謂其女曰：「汝父出捍城，我三品命嬾，汝儒家女，又進士妻，不可受辱。」抱

二歲子及女赴井死

周誠德妻陳氏

平陽陳氏爲同邑周誠德妻。至正癸卯，方明善寇平陽，誠德率義旅禦之，戰敗，與陳逃於邑之逕口。陳氏謂誠德曰：「吾不能從汝去，賊至必污我，自縊而死。」誠德坎而瘞之，復土未畢而賊至，被執，竟爲明善所殺。

陳程妻葉氏

陳程妻葉氏，麗水人，有美色。元末兵逼金華，葉與夫奉舅姑携子女避兵於風山，未幾處城破，兵掠所避處，葉

一可免乃遽更新衣其乳母虞氏見之曰當此倉皇
更衣何爲禁曰有死耳虞氏驚曰有舅姑與夫及子女
在奚忍爲之葉曰吾豈不欲同生以事以育盡煩之道
顧禍在目前祇取辱耳身既被辱何以爲人媼能爲我
扶老携幼雖玉碎亦無恨卽觸崖下死

明一 共九十二人

童賢母羅氏

童賢母姓羅氏寧海童處士釋卿妻也羅爲縣舊族賢
母少喪親姿端厚有識度年十三歸處士時處士之祖

母高年而父母皆老。賢母事之。孝敬。盡。厥。治。產業。皆。始。紅。其。得。頗。道。舅。姑。喜。家政。一。任。之。祖母。晚。病。手足。痺。石。能。舉。澳。懇。或。時。汚。床。褥。賢。母。躬。抱。持。洗。滌。飲食。必。執。匙。箸。以。進。久而。不。懈。祖。姑。心。德。其。所。爲。每。私。祝。曰。吾。苦。新。頗。無。以。報。顯。汝。有。子。有。頗。戚。若。汝。之。孝敬。賢。母。有。知。能。遇。女。妹。及。族。人。親。戚。皆。有。恩。祖。姑。及。舅。姑。卒。相。夫。奉。喪。葬。於。內。外。細。粗。捐。畫。絲。理。皆。有。方。略。條。理。既。而。家。貧。感。生。四。丈。夫。子。長。各。有。才。智。好。學。問。訓。以。禮。義。忠。厚。尤。有。母。道。及。處。士。早。世。諸。子。長。娶。頗。生。孫。一。聽。賢。母。之。教。道。

相與合食不分財異爨作先祠置祭器以奉祖考家庭之間出納有法長幼有倫遇人有惠待賓客有禮於是賢母遠邇皆慕焉初元季無政大家以貲結長吏田之租稅俾小民佃者代輸里正因而漁利每畝徵米四升小民以爲病會賢母家爲里正催民租稅命減其半不足寧出已粟以輸鄉閭貧弱賴以不困洪武初寧海及隣縣飢里中富人以麥貸貧者每麥去責穀二斗三升時賢母家有麥數廩召諸子謂曰飢者衆而吾家幸有餘安忍乘時取倍蓰之急若等毋效他人宜減息一斗

以爲鄉率。於是諸子奉行之。又白於縣。請禁多取息。以病民者。數百里。貸麥者。利其息少。就奔走焉。咸歎息。以爲童母恩。母好施予。孤弱不能自存者。給以錢果。不責其償。人或告飢。推食以予之。遇人有急。度其事可解。命諸子爲解之。後或背負。絕不與較。至不義人。戒莫近。事有不可者。戒勿爲。其摘科世事。明達甚。雖丈夫有弗達也。家人指逾千。婢僕指稱之。人人察其飢飽。苦樂。與其本性所宜。無有怨者。年八十餘。子嬭及諸孫。嬭男女數十人。曾孫七八人。奉養祇願。不敢違。果若祖姑所祝。名

人士往來者皆致拜稱賢母云

賈明善妻朱氏

朱氏名藝，潛溪人，景濂之女弟也。美容，幼卽讀書，知大義。既長，歸烏傷賢明善。踰年，父母召藝，令與婿備來同居。孝養益謹，見諸女讀古烈女事，則慨然想其爲人。嘗謂諸女曰：是亦不難爲，媿者當壁碎而僚無寧，瓦全而穢也。既而西兵搗蘭谿，遠近大震，朱不自安，同夫避入浦陽城，竄山中。未幾，鄉民嘯聚作亂，執劔杖人如刈草菅。宋亡，入榛莽中，爲游卒所執，求解不應，將亂之。宋

以計給曰。吾有珠貝可直數千緡。昨夕。忽。而。前。坎。中。爾。幸無急我。急我。我將死於爾。何利。不若。舉。爾。發。之。卒。以。其言從之。行至深淵側。竟躍入死之。

胡守貞 王志清附

胡守貞。錢塘胡宗信之姊也。守貞因父母長弟相繼物故。而宗信年幼未立。私念嫁蚤。晚無加損。誠能輔弟樹立。晚嫁無所恨。遂經紀其家。及宗信長。娶嬭王氏。名志清。甫五年。而宗信歿。王氏時年二十四。生子貞。暨一女。守貞痛曰。我終不可以嫁矣。於是與志清相向哭誓死。

守存胡氏血食。卧起相依。守貞待志。清如婣。炯然志清。則終身以事姑者。事守貞。貧無以爲生。每日閉門讀書。得錢租足供薪米。塩醢。輒闔門治女事。寒機雙杆一燈。欲滅。坐至夜分。如此者十九年。畧無間言。守貞年六十。洪武甲子卒。志清率貢行三年喪。

鄭洪妻石氏

石氏名勝。金華人。性敏慧。勤恪。嫁爲浦江義門鄭洪妻。李文忠分鎮嚴陵。辟洪參謀軍事。後以薦爲內藏庫提點。未幾同官有坐法者。辟連洪。竟死於獄。石氏時從宦。

郎吏議當配石氏仰天慟曰生爲鄭氏殞死則爲鄭氏
鬼耳吾夫已亡吾豈忍汚其身以玷旌門乎遂絕粒不
食隣媪強以粥糜不聽如是者八日求死弗得乃引繩
自絕公卿朝士莫不稱烈高皇帝聞而嘉嘆曰嗟乎
此真義門嬪矣宋濂爲之傳曰余居金華熟聞鄭氏孝
義之著禮法之盛今觀石氏播行皎如白日可謂難能
者矣雖其染濡家訓亦天性然也稱爲烈嬪不亦宜哉
庸表而出之以勵世風云

黃誼昭妻孫氏

陳氏慈壽人年十八歸定海黃姓。昭生子清三載而夫
亡。孫以死自誓。無師教子。長求兄女爲配。甫三年。生二
子。清亦故。適國初糧餉至重。乃類姑相率携子與僕輸
賦。南京訴尚書。寔義言海潮爲患。十年九荒。乞築海塘
以障居民。寔詰曰。如此孤苦。何爲不嫁。對曰。餓死事極
小。失節事極大。寔規併首者久之。次日遂爲奏請。差薛
主事董其役。起自龍山。迄於觀海築塘凡百餘里。永免
潮患。鄉人感其義立祠祀之。

陳氏

陳氏錢塘人禮部主事陳鏞女弟許聘禮部員外郎孫
迪未成婚而迪亡。樞還女告其父母衰麻至迪家見舅
姑臨柩伏哭盡哀。還服三年喪終身不嫁。壽踰七十卒
於家。葬父母兆域之次。

汪欽妻周氏

周氏女山陰人年十九適蕭山汪欽。欽兄弟五人皆夭
歿。獨父湛及母在夜有劫盜湛起禦之遇害盜盡掠其
貨去。周號泣曰貨不足惜何乃刃吾舅。誓不與賊俱生。
挺身訴於官不獲則走奏京師。衣不解帶者三年竟獲。

益二十人斬於市。

俞氏三節

童氏諸暨之楓橋人年十九歸俞滿未一年而滿病痼
革呼童曰我死汝年少當更適童泣曰妾豈事二姓者
耶剪髮爲普滿弟滋娶趙氏滋死趙年二十七潤娶金
氏潤死年二十九有感於童率勵志同守居側生竹一
本分爲二幹本幹皆疊生三節人以爲瑞上其事詔旌
其門曰三節

王和欽妻陳氏

子德中附

王和欽妻陳氏永康人年二十九而和欽亡遺孤僅歲餘苦志守節勤以自給孤名德中性篤孝嘗因母病匍天乞以身代母果獲痊一日東隣失火將延及德中向火稽首火遂西轉人皆謂王氏母子節孝所感云

朱偉妻馬氏

朱偉妻山陰馬氏女名德真家病殘舅與夫偕亡姑亦病篤德真艱難事姑姑愈母家欲奪其志斷指爲誓姑歿撫膺大慟翌日死

孫朱雙節

孫氏宋氏皆慈溪人孫歸沈銘善年二十九而夫亡生子甫八月宋歸沈銘禮年二十而夫亡生二子皆在襁褓人以宋氏年尤少諷之更適宋氏歎曰天降割吾姊妣妣守義不棄吾忍弃去邪自誓凜如歲時歸寧母氏憫而諷之不聽曰迫之果急惟以江水爲徑見吾夫地下耳姊妣日勤紡績澹泊清慎至白首猶一日洪武十六年事聞詔旌其門曰雙節

吳善慶妻孫氏

孫氏名妙吉山陰人適吳善慶善慶死孫尚艾無子持

節不易。叔祖小觀納隣邑人幣，將奪嫁之。孫聞，乃給曰：幸得作小佛事，爲亡夫福。小觀如其言，孫沐浴更衣，禮佛少間，走縊夫墓木而死。小觀怒，殘其尸，覆於淺土中。聞者爲之雪涕，然其家甚微，不能聞諸有司，爲可悲云。

唐方妻丁氏

丁氏名錦奴，新昌人，生有異相，頂蟠七螺，涉獵書史，歸唐方。洪武中，方爲山東僉事，坐法死，妻子當沒爲官奴。部使者按籍其家，押卒祝中順欲挑之，偕其髻梳掠髮，丁卽以梳擲地，其人取掠之，持還丁，丁罵不受，竊謂家

人曰此輩無禮必遂辱我不若預死之以全節也即日
肩輿上道行山徑未半里至陰澤崖峭水深四無援隨
寸忽從輿躍出赴水衣厚不能沉後從容以手歛裙隨
流而沒神卒數輩驚救至則死矣時年二十八至今鄉
其處曰夫人澤

王守中妻劉氏

子仲允附

王守中妻劉氏字至貞永嘉人七歲從兄讀孝經知大
義適王氏克事舅姑守中性至孝先是父病亟懇禱於
天乞減已壽一紀以益父筭其後父果延十二載人後

吳之已而守中病卒時刻年二十九子在襁褓自居
長輒不茹葷血御華靡及夫亡愈甘清苦至白首如一
日洪武初詔旌其門子仲九性尤孝痛父母葬地不佳
遂終身蔬食

席祥妻吳氏

吳氏錢塘人爲山陰席祥妻祥先以避兵挈家來錢塘
吳退還家山陰而祥留錢塘娶吳氏生子未晬而祥歿
吳年纔二十有六自歎曰吾席嬾也義不當留父母家
乃奉祥靈柩絕濤江而東葬於先塋之次從妯娌事

始梅透舅姑患為病甚醫曰此為臆所苦耳孰能呪之
吳氏呪之無難色姑瘍遂愈親戚鄉黨咸稱爲節孝婦
子史臣徐一夔爲之傳

魏節類趙氏

于媿康氏附

魏節類趙氏名第台之寧海人父國真故邑大家延備
傳之能爲春秋學者教其子仲武與浦江魏氏子順之
同受春秋誦悟精勤嘗與仲武較藝大爲國真所激賞
順之祖隋元時以貧雄於鄉爲里主常儲錢百錠爲官
費缺復補足其數一歲不取諸民民德之呼爲魏百錠

列女

卷之五

五

魏節類

父恩能測人之急寒者與衣。親者與食。死而不能葬者與棺槨。國真聞之歎曰。求福無如積善。修身無如好學。吾無副然矣。遂以女歸。順之。生三女。而順之卒。頰年僅二十四。卽以箱于校。爲副誓。不他適。其兄仲武憐之。潛受同邑婁氏聘。議欲強迎之。歸。奪其志。節頰聞之。謂曰。將嫁而女弟。果吾生。爲魏氏頰。死爲魏氏鬼耳。吾弗歸也。堅不爲動。其兄不能奪。校甫七歲。晨昏教養。至於成立。爲娶同邑應氏。生男女各二人。而校亦早世。應氏時年二十九。上奉孀姑。下撫諸子。兢兢惕息。無毫髮增損。

於前人男娶女嫁各適其宜人皆以爲善繼志稱大小節頌云校字師學應氏字小其二子曰江曰海

黃性祖母劉氏

劉氏名文淑松陽人教諭黃應發妻也無子聘姊生子通通生五月而母亡劉鞠育如已生至二十而應發卒時劉年三十有六矣舅年老私念通非劉產恐劉有他志憂見於色劉揣知其情以死自誓又三年舅歿劉葬舅與夫封樹皆盡禮日夜攻絲枲資通就學一日通墮非得狂疾劉意非久生者慮黃氏嗣絕急爲娶屠氏生

子性前此應發以通幼弱先養姊子劉中孫爲嗣中孫以通且暮死不意屠之生男性也乃露刃入卧莪之劉膏當其鋒性得不死訟抵中孫於法通在疾死洪居哺孫至長使就學成名一日病革呼性語之曰我爲汝家頰不幸二世短命保汝於橫逆艱棘中今幸見汝成立復有子嗣吾可以下見汝祖矣言畢而逝壽七十有九

郎理妻沙氏

沙氏主事郎理妻安吉人也洪武中從夫官京師理以直諫死沙聞之哭曰夫爲忠臣妾獨不能爲烈嬀乎遂

自經死事聞 命爲大棺合斂賜諭祭馳驛歸葬

張景忠妻陳氏

陳氏字文婉錢塘張景忠之妻歸而克盡孝敬於舅姑生一子孩抱而景忠卒甫服除有諷其改適者唾去之擄其孩抱孤日泣舅姑前舅姑亦泣下乃相抱持其孫慰撫之曰所不餒吾祀者無他望此之成唯母之依彼犬豕者之言奚足爲賢媳嬾辱又相泣慰撫而後已舅姑沒喪葬貧儉而稱禮姻族黨每以漢陳孝嬾比之太史氏王洪爲之傳

陳敏八妻倪氏

倪氏女安吉人年十四許聘陳敏八陳未娶從征踰五十年歸乃成婚人號白頭花燭

許瑜妻季氏

季氏名添寧海人歸同邑許瑜瑜爲盜所害季抱幼兒從舅氏董仲載走慈溪悲號摧毀或累日乃一食仲載欲更嫁之季微知其意泣曰吾寧抱兒還許氏使盜殺我不能事異姓也仲載不敢復言後三年盜敗伏法季始歸治田廬資其孤從學爲名士年七十卒學士宋景

德爲之傳

陳思恭妻莊氏

莊氏海鹽陳思恭妻。莊本泉南人。思恭自海鹽客泉南。贅焉。思恭嘗客於海。三年不歸。人以思恭死矣。輒之嫁。斥絕之。又二年而思恭歸。未幾復去。竟死於海。諷者復來曰。今固可嫁矣。莊絕之愈甚。時年二十五。乃自泉携其孤彥。庶扶思恭柩歸葬海鹽。撫彥庶成立。莊以高壽終。高季迥作詩美之。

趙叔民妻盧氏

盧氏名津，奴黃岩趙叔民妻。有婦容，涉略書史。洪武十九年，叔民被誣以黨，卒於京。明年，籍其家，盧聞官軍至，邑卽欲與子俱飲藥。旣而泣曰：「汝年方七歲，萬一得生，未可知。我寧就死，義不受辱。」遂題詩壁上，飲藥而死。官軍入門，見壁間詩，莫不嘉歎，爲具棺，飲而瘞之。

閩州守妻宋氏

宋氏，金華宋學士景瀛族女也。爲西安閩州守妻，守失其名。洪武初，坐府推累死。宋以夫罪連坐，遣戍雲南金齒衛。奉姑偕行，題長歌於郵亭壁間。觀風使者採以

上聞憐而釋之仍賜夫之祿養姑終身歌曰郵亭咫尺
堪投宿手扶親姑憇茅屋抱薪度地暫鋪攤支願相
存聲吳旁人問我是何方俛首哀哀訴衷曲妾家祖居
金華府海道曾爲上千戶奉饒運粟大都回金牌勅賜
雙飛虎弟兄聯迹隱山林甘學崇文不崇武方今玉堂
宋學士亦與妾家同一譜并年嫁向衢州城夫婿好學
明詩經離騷子史徧搜覽意欲出仕甦蒼生前年郡邑
爭交辟婢親笑傲趨神京萬言長策獻闕闕泥金捷報
來掀騰承恩榮除闕州守飄然回舫西南行到官換賢

訪遺老。要把奸頑盡除掃。日則升堂剖公務。夜則挑燈理文稿。守廉不使纖塵污。執法應教僚佐怒。府推獲罪。苦相攀察院。來提誰與訴。臨行囊橐無錙銖。惟有舊日將去書。牽衣父老泣相送。遮留赤子爭號呼。彼時徵賦動盈萬。妾夫自料無從辦。竟展持掾不成招。暗隔家人莫送飯。無何餓死囹圄中。旗軍原籍來抄封。當時只望耀門戶。豈期一旦翻成空。親隣憐妾貧。如洗歛鈔殷勤贈行李。零丁三口到京師。奉旨邊方戍金齒。阿弟遠戍龍江邊。臨歧抱頭哭向天。自有弟北兩相勸。別來再

會知何年開船未幾子病倒求醫問卜皆難保武昌城外野坡前白骨誰憐葬青草眼前有子相親傍身安且不受家蕩而今子死姑年高縱到雲南有何望八月官船渡常德促裝登程戒行色空林日暮鷓鴣啼聲聲叫道行不得上山險如登天梯百戶發放來取齊雨晴泥滑把姑手一步一跌身沾泥晚來走向營中宿情思昏昏倦無力五更睡重起身遲飯鍋未熟旗頭逼翻思昔日閨門內遠行不出中堂右融融日影上闌干花落庭前鳥聲碎寶髻斜簪金鳳翹翠雲蟬影蛾眉嬌繡牀新

刺雙蝴蝶。坐久尚覺春風饒。誰云今日夫亡後。萬里遐
荒。要親走半途。日午姑云。飢欲丐奉姑。羞舉口。同來一
頰。天台人情。懷薄若秋空。雲喪夫。未經數十日。回眉重
嫁。藍商君血色紅裙。繡羅襖。騎驢遠涉。長安道。穩步不
知行路難。揚鞭笑指青山小。古來節義難重陳。扶目截
耳。肝膽真。嗟哉風俗日頹敗。綱常廢盡。趁黃金。妾心汪
汪。澹如水。寧受飢寒。不受耻。幾回欲葬江魚腹。姑存未
敢先求死。孝思涓體。夫存念。當學慈烏。與終養。姑亡妻
亦隨姑。亡地下。何慙見夫面。說到傷心淚如雨。嗟咽低

頭不能語道。傍聞者。總悽酸。隔巖哀。後叫何許。

蔣倫妻戴氏

蔣倫妻。山陰戴氏女。名鍾齡。早寡。有節行。既老。鄉人欲上其事。輒止之。曰。常事耳。何煩官府。

徐宗谷妻張氏

張氏名璩。奴黃岩人。少聰慧。適徐宗谷。未幾。宗谷爲仇人所害。張負姑。匿岩穴中。間道達姻家。泣謂姑曰。願不卽死者。以夫仇未報。遺娘未分耳。旣而生女。幸妾生男。張撫字之。如已出。明年。被姑理仇於官。抵之法。始還家。

招夫魂而葬之。焚香誓天守死。不二年五十四卒。

鄭翰卿妻徐氏

鄭翰卿妻山陰徐氏。女翰卿出遊山西十年不返。徐獨奉舅姑竭盡心力。家貧而澹澹不乏。姑疾劇。額天請代疾。遂愈。後翰卿歸。旬日病卒。徐營斂畢。歎曰。向不卽死。以夫在耳。今夫死矣。何以生爲。絕粒七日而卒。

黃紳妻洪氏

妣胡氏。姪嬭吳氏。附。

黃紳妻洪氏。淳安人。年十七歸紳甫。一年而紳歿。止一女。一日歸寧。父兄欲奪其志。逼之更嫁。洪遂抱女獨寒。

米涉河以歸。誓無他志。獨立以奉黃氏祀。年九十卒。如
胡氏。妊嬭吳氏。皆幼年孀。居悉化之。守節未嘗變。人稱
爲黃氏三貞。

潘順妻徐氏

徐氏。烏程人。年十六。歸同邑潘順。未幾。順死。徐引刀斷
指。誓不嫁。及卒。取指以殉。而所養鳳仙花色。殷紅猶在。
李珂妻俞氏。子嬭吳氏。孫嬭陳氏。附。

李珂妻俞氏。永康人。年二十五。居孀。守節。子祿。嬭吳氏。
年二十九。夫亡。子死。誓繼姑志。孫奔。娶陳氏。年十九。亦

寡因自誓曰守節女嬪常事况李氏世德有自乎台州
王一寧題其堂曰一門三節嬪四世九賢孫

胡谷銘妻王氏

王氏名潤玉鄞人年十九歸胡谷銘質性婉婉生二子
皆幼夫染瘵疾延及一門死亡略盡潤玉時年二十餘
抱遺孤獨處一室人共危之母家以其盛年無依力勸
之歸且曰是家不祥而欲相從爲鬼邪盍改圖焉潤玉
泣曰夫宗祀幸有子使吾一出是門置胡氏神主何地
古未亡人禍福固非所計自誓以死勤苦紡績撫養

二子底於成立壽七十二而終。

夏子昭妻顧氏

顧氏崇德夏子昭妻。顧歸夏六年。年二十七子昭死。遺孤在襁褓。舅有愛子致養。論顧使自爲計。顧涕泣以謝。願奉終身。後舅與愛子又相繼死。顧竭力營葬。中更亂。離卒無玷污。以全節終。

周天寵妻黃氏

黃氏名玉瑩。西安人。許聘儒生周天寵。未嫁而天寵病。瘵將危。黃知必不起。堅求侍疾。父母不能強。命之往。天

寵適一賄黃目遂瞑黃時年十九慟哭盡哀飲夫絞余之屬皆經手製送葬途有高壑將投之賴侍婢夾持而免自是每袖一繩以誓必死悉散奩具衣備於妯娌姊妹惟圖天寵像朝夕哭奠如初喪事舅姑以禮舅姑感其義亦視之如親女數年鬱鬱成疾嘔血死年二十六

方氏二烈女 方孝友附

方氏二烈女者正學先生之二女也正學死難時夫人鄭氏先自經二女未及笄被逮過淮相與投橋下水中死先是正學被召草詔不屈親屬皆面縛就戮正學之

季弟後至。正學目之。不覺淚下。季弟口吟一絕云。阿兄何必淚潸潸。取義成仁在此間。華表柱頭千載後。旅魂依舊到家山。士論壯之。以爲不媿正學之弟。至二女子之死。未有知者。余故表而出之。以見正學篤信守道不貳厥心而死難精誠薰漬家庭閨闈間。雖二小女子臨難赴義。視死如歸。不獨與正學伯仲之死同時爭烈而已。卽謂爭光於千古之日月亦可也。季弟名孝友。字希賢。二女逸其名。第稱之曰方氏。二烈女嗚呼烈哉。

石孝女

石孝女新昌人父潛宋編修石斗文七世孫女也洪武末坐事籍沒繫京獄妻吳氏以漏版獲免依父家以居時孝女在機襪中一日潛脫桎梏逃歸匿吳家吳兄弟懼連坐遂殺潛投大窖中泯其尸吳含悽鞠女女既長問母曰我無父族何也母告之故女悲憤莫能伸永樂初女年十六名閔競聘而舅氏主其婚以配族子吳某女白母曰殺我父者吳也父之讐弗與共戴天奈何又爲吳氏頰忍事其家廟邪母曰我不幸失所天事不我從奈何女頷而不答及星期已屆治裝于歸吳族咸喜

得頗方。禮賓未畢。女竟經死室中。衆皆驚愕。詰其母。母仰天大哭曰。吾女之死。爲父報仇也。號慟數日。亦死。有司聞之。爲治殺潛者之罪。

潘仲岳妻程氏

程氏潘仲岳妻。衢州人。永樂間。仲岳戍遼東。程氏送之。行。解戍者悅其色。戲調之。程怒。解戍者遂以軍政被與。偕行。法不能阻。仲岳與程計。恐在途遭辱。程曰。妾自爲計。君勿憂也。給以整裝。故還家。卽自經死。鄉人義而傷之。執筆作哀諫者數百人。

楊彥璋妻魯氏

魯氏名淑清海鹽楊彥璋妻淑清世居海鹽其父彥中
徙餘杭而嫁其女於故里楊氏永樂丙申夏倭夷犯海
鹽武原鄉擄掠男女淑清亦在擄中度不能脫置兒於
路傍泣曰天不絕我後幸活我兒潮至遂躍入海以死
時年二十一

金良女汝安

金良女鄞人名汝安父母多疾汝安侍養惟謹及笄里
中大家爭求聘汝安自謂父母老且病雖有兄弟驅馳

門戶事朝夕。乏供養。奈何舍去。自是絕章。茹每夜焚香。告天禱。二親壽。後父母俱八十餘而歿。汝安居喪六年。遂終身不嫁。太史危素爲之贊。

童敦妻李氏

童敦妻李氏。名榮。壽昌人。年二十四而寡。舅爲夫營葬所。李求結壙於旁。父彥真欲奪其志。私許同里蔣武。退而嫁之。李知勢不可遏。厲舅姑以復事。且曰。妾死於此。父必構訟。歸死於家。則無害矣。泣拜而別。復至夫墓。慟哭而歸。詭謂其母曰。見夫叔。母可往卜。家有一妹。又令

尾其後而促之。遂入室自縊。母歸已死矣。父大怒欲燔其屍。適舅姑送衣衾及棺至。就飲則釵縛於左股間。遂收葬於向所築生壙中。時會葬者數百人。莫不爲之揮淚者。

袁堅妻方氏

方氏金華人。軍士袁堅之妻。堅以酒喪家。卒殯於城北。濠上方貧無依。乃卽殯所開棺寢處其中。飢則出飲於濠。久之不復出。竟死棺中。郡守劉公蒞封土爲墓而禮祭之。

華榮女妙清

華氏名妙清，杭州右衛前所副千戶榮之女也。早歲喪母，躬浴其尸，取水注器中，哭則出而飲之，茹素十餘年。坐卧饋恩，恒若有見。初，榮代伯氏戍彭城，永樂間，累征討功，拜前官。降及，語女曰：「吾起戰陣，出萬死得一生，荷國靈寵，位爲千夫長，期世世及也。今中道死，子震幼且弱，族人利吾官者行，且將不利於震。汝以女子從一少後母，其若之？何語未既，女卽哭應曰：「吾雖孑然孱也，請得事我母，長我弟，令嗣我父，勛終不從婚媾去，遺父憂。」

吳榮卒，女遂一意奉母，保護震備至。媒妁來者，輒峻拒之。後有伯之子麟，果欲奪震官，令人百計誘女嫁。女剪髮碎面，以示已志。且則爲震祈禱於天，晝則勤女，紅至夜分不寐，以給衣食。竟育震成襲官，且教以忠孝。自樹終身，果不嫁。其母王氏，弘治間以守節受旌。女獨不及。餘杭鄒宗伯翰爲著孝烈傳，以風於世。

孟貞女蘊

孟貞女，名蘊，諸暨縣民女。初許嫁縣學生蔣文勗，未成婚。文勗克貢入監，爲御史，病卒。蘊年纔二十，聞喪號慟。

歸蕭氏執喪三年養其舅姑盡孝終身不嫁人稱貞女

胡昌妻汪氏

胡昌妻汪氏蘭溪人嫁未幾而昌亡家赤貧誓不更適昌弟昉貪鄙時加逼挾不聽乃私受人財物許嫁之及與夫昇橋至汪氏心覺焉顧已無奈何乃更施粉澤易服繆爲願嫁狀東方喜飲不顧因從便門趨出溺萬安橋下家人索之不得踪跡至橋畔沙磧中見雙履宛然入水求之屍已僵矣

李志寧妻劉氏

劉氏名添壽，目人歸李志寧，五年而寡，以死自誓。父母以其無子，欲奪而嫁之。劉號哭哀訴，又託父母之親厚者勸之，終莫能止，遂爲必死計。製長幡繪夫及已像於上，置諸篋中，泣別舅姑而歸。父母甚喜，亟召媒妁議親。舉家出迎，而劉已投舍旁池中死矣。舅姑逆其喪，啟夫穴合葬焉。

呂嗣芳妻顧氏

顧氏名妙善，嘉興呂嗣芳妻。芳與伯子本相繼歿於官。仲子思甫八歲，顧携孤還鄉，貧甚，較笑苦守，課子讀書。

弱冠成進士、廷試第二人、以翰林學士入內閣、參贊機務、顧臨終、勉其子曰忠孝一道也、而父兄未竟之業、惟兒善成之、故原立朝事績、載之國史者、得之母訓、若多封太宜人、享年八十有七。

宋原用妻石氏

石氏字景榮、鄱陽石思孟女、少解文字、年二十、奉化宋原用任鄱陽教諭、因娶焉、閱六載、原用卒、石氏時年二十六、二子俱幼、母氏欲留之、石泣曰、夫死、即未亡人爾、今舍二稚、奔舅姑、夫三從之義、吾忍爲此、默行邪、噉指

自誓母不能強遂奉喪歸及抵家糧無宿儲艱苦殊甚石盡質裝以養舅姑舅嘗患疫劑石衣不解帶手滌屨踰晝夜侍藥糜無倦色及舅姑歿葬祭盡禮勤紡績以資二子學庭聞之訓尤嚴於禮節鄉族嬖女咸服其化宣德間有司奏旌其門

方良規妻章氏

章氏蘭溪人適同邑方良規年二十六而良規亡遺子鉅甫六歲族之長強使改適章歎曰嗟乎斯言何爲至於我哉夫子之天也乃欲平昔之孤鉅子之嗣也乃欲

子弄之背夫不義弃嗣不仁是欲禽獸我也有死而已
請勿復言遂毀容隨髮終身不二年九十餘卒

王伯壘妻張氏

張氏名相字敬助父爲餘姚張雲龍先生有隱德善識
鑒每奇其女教之經義適慈溪王明白先生之子伯壘
爲金溪令有能聲雲龍嘗囑其女曰得甥當告我舉首
予以告視之曰來矣名之曰來再舉子再告之曰復來
矣名之曰復既而以第三甥告曰亦足與二兄鼎足而
並名之曰鼎來復同中宣德丙午科來爲工部尚書復

舉進士爲刑部主事。爲御史。終廣東僉事。張封太夫人。相夫教子。一以古人爲法。金溪旣歿。日三復敬姜君子能勞後世有繼之言。以勗諸子。太書日新二字於書齋。以示警。子在宦邸。每手書箴訓。諄諄以竭忠報主和豫友。廼子姓爲規。終不及其他。來征湖貴。時手製汗衫遺之。云非爲不足。汝所恃使汝知我尚康庶得安心。王事不以我老爲念耳。及凱還。復戒以毋自矜伐。以全居美之道。其手澤至今子孫寶之。

章孝女銀兒

章孝女名銀兒。蘭溪章清郎女也。清郎死，銀兒獨與母居。時邑中多火災，其室晝燔，未能復撲，結茅廬以棲。其母寢疾，適隣居又火，烟烟四起。銀兒出視，衆呼令亟走。銀兒曰：母病不能動，何可避也？亟入人廬，欲扶母出。烈焰忽覆其廬矣，衆皆躡足，莫之能救。火熄，出其尸，銀兒雙手抱其母，同焚死。

徐孝女

徐孝女者，嘉善徐遠女也。年六歲，母患臆瘡甚，孝女問母若爲得愈，母謾曰：兒吮之乃愈。孝女遂請吮，母難之。

孝女悲啼不已母從之數日果愈

譚弘妻沈氏

沈氏崇德譚弘妻也年十七歸弘三載而弘卒遺孤僅歲餘。疏姑陸氏在堂有親子婦素不受沈有老奴爲陸謀去沈而併其產於親子婦日括其貲裝釐盡無難色。奴又謀圖其孤沈懼携歸父家鞠焉久之陸憤弃奴收婦而還孤析產與親子婦築沈於齋乾艱險中弃資保孤智與節令人以爲難壽八十餘卒。

姚率妻周氏

周氏名福蓮，海鹽姚璠妻。年二十二而寡，生一女甫八
月，父孟經欲奪其節。福蓮以死自誓，父怒，笞而逼之。福
蓮顧女悲慟曰：「兒安歸乎？」少選，父索之不得，已抱其女
赴水死。俄得尸，子母抱持如生。翌日，具棺斂，將焚木燬。
有蝶從烟焰中出，文彩爛然，向祖墓飛去。張黃門寧爲
立傳。

王璠妻柳氏

柳氏，蘭溪王璠妻。年十七歸璠，時璠已病，爲脫簪珥，求
醫。璠病革，與柳訣曰：「汝年少無子，我死，汝當別嫁。」柳泣。

以死殉封。日夜侍湯藥不少懈。迨壻死。殮畢。欲投於棺。及撤靈。又欲投於火。姑與妯娌力救之。哀哭不絕聲。潛自爲送死具。翁姑懼不測。密遣女孫伴睡。柳語女曰。明早翁姑問汝。但云夜半子時女幼。莫知所云。俟女睡。沐浴更衣。就縊。女驚覺。亟呼翁姑救之不及。蓋子時也。

包慎妻徐氏

包慎妻山陰徐氏。女歸七年。而慎死。無子。同邑右族。以其色。以利誘其姑。及其夫之弟。欲強娶焉。徐氏髡髮。毀容。以拒之。姑怒。故技請親。親莫變其志。徐知不免。自縊。

而死

吳學妻嚴氏 孔淑貞附

吳曇妻山陰嚴氏女。曇死，無戚志。子顯舉進士官刑部郎。娶曲阜孔淑貞。定直聖五十九代孫也。顯卒於官。淑貞扶纓南還。舟抵濟寧。水合。去父母家俾數里。許父母遣車迎之。因辭曰：夫柩在此，義不能暫舍。至於水解發舟，終不履岸。比至顯家，闔戶毀容，以苦節終。

虞守中女奉娘

虞鳳娘，義烏虞守中之女。其姊嫁徐明輝而卒。輝聞鳳

娘賢惡其父，欲聘爲繼室。女知，泣謂父母曰：「兄弟無刻妻之理，卽姊妹可知。父執不聽，女遂絕口不言，自經死。」

徐文佩妻鄭氏

徐文佩妻，山陰鄭氏女。文佩病亟，囑鄭曰：「我死無子，汝將若何？」鄭泣曰：「倘君不幸，俟季叔有子，卽吾子也。時季叔文爾之妻，童始娠，尋果子，鄭喜，襁抱示其夫。夫以舌舔兒，曾遂卒。明年，文爾亦死，童與鄭共撫遺孤，無戚心。」

范氏二女

范氏二女，會稽人。幼好讀書，通列女傳。長適江氏，一月

而寡次將歸。傅氏而夫亡。二女同守節。別築一垣。圍屋數椽。田十畝於內。以自居。種獲有時。父率傭以入。餘日則閉戶相對。雖淮田亦溝引而已。如是者踰三十年。後自爲塋於止水墩。竟合葬焉。族人以其遺產立祠祀之。

徐福壽妻王氏

節嬭王氏。淳安人。年十九爲蜀阜徐福壽妻。仁慈孝敬。深執嬭道。明年生子士華。越七年而姑與夫相繼死。節嬭值兩喪。哀毀瘠甚。幾不能生服。旣除。舅以年邁。莫給衣食。欲奪其志。節嬭指日誓曰。嬭無再醮禮。卽有異志。

猶如此。日由是。舅不能強。節嬾益嚴。勤儉甘淡泊。射紡績。養老撫幼。備極艱苦。舅歿。營備葬祭。無違禮。延師訓。孤克底成立。讀書習爲鄉善士。節嬾年八十有七。稱未亡人者六十餘年。節操凜凜。人無間言。有司上其事於朝。旌其門曰貞節。商文毅公爲之傳。贊曰。人有恒言。願天者昌。逆天者亡。嬾以夫爲天者也。若徐節嬾者。夫亡守志六十年。如一日。豈非順天者乎。福壽光榮。享有子孫之盛。非彼蒼者有以相之哉。噫。順天者昌。予於徐節嬾有徵矣。

俞姻奴

俞姻奴，永嘉人。父貞早亡，家貧，母再許適。姻奴泣下數
自溺，衆挽慰諭之。母既適，乃暫隨母入繼父家，若常快
快。每念及父，涕下如雨。居無何，母亦亡。繼父子欲犯之，
不從。繼父子仍賂其母婢，諷焉。姻奴罵之。婢曰：「若堅不
從，彼必殺汝矣。」又罵曰：「死則死耳，我終身不受凶暴侵
凌也。」婢退。他日，繼父出，其子果持刃入房，迫脅之。終不
屈。遂見殺。繼父還，捕其子置空室中，飢死。乃葬姻奴。時
宣德癸丑旱，何守文淵禱雨未應，耆老林混言其事，何

守日其在是乎遂爲文遣祭其墓明日果雨

葉俊妾何氏

何氏名京女永嘉人德性貞淑姿容秀整爲葉俊妾後以山西太原府知府致仕歸卒於家何心痛之哭至氣絕而甦成喪後三日潛身沐浴以膏塗首傅粉施朱身衣衫服泣告夫人薛氏曰大人在日妾御莫敢當夕今大人地下無人侍奉妾願以身當之拜別夫人爲之永訣夫人反嗔怒之以爲此女連日過哀失神乃致此耳何竟自縊而死夫人與衆頗大慟聲震閭里里人聞於

有司有司躬往視之莫不嘉歎爲題其銘旌曰烈女何氏之極

宋允中妻魏氏

宋允中妻會稽魏氏女年十六贅允中僅三日而允中歸尋歿其家火之投骸澗水魏奔赴拾夫骸還瘞家園中服喪三年父母欲嫁之則號泣欲自殺家人知不可奪然業已受他幣第嚴爲之守比逐者臨門守稍弛魏乃潛之園中自縊死

李汀妻呂氏

呂氏名主奴爲永康呂汀妻汀赴姚泉汲水失足溺死
呂慟哭仆地水漿不入口者數日舅姑憐其少寡強更
適之呂聞乃縫衣乘獨赴汀溺所死

朱泰妻吳氏

吳氏女會稽人適文學朱泰性至孝姑唐病痿而性暴
時加箠撻常跪受已輒起進飲食惟如也自食粗糲布
褐常不完而姑之膳藥極精好旣而泰死無後或勸之
他適輒號踊欲絕奉其姑益謹卒與姑相繼歿陶文傳
重其節爲白有司捐貲創祠祀之

陳曙妻張氏

陳曙妻蕭山張氏女受聘後陳日寥落不能娶父將有異議張曰受聘陳卽陳妻也寧死不願更適後歸陳未幾曙卒與姑同寢一旦白姑曰天氣甚熱可獨宿姑聽之是夕卽自縊於床屏間距夫亡未三月也

馮光霽妻劉氏

劉氏慈溪人聘於馮光霽光霽卒父宦所劉時年十七聞訃卽哀毀如不欲生概歸劉請歸馮治喪母憐之不可哭曰聘不爲先婦不爲後不負此心死無憾矣遂棄

傳

卷之五十一

素

沈

喪命治兩墳壙故欲投以殉姑力挽之遂終身不御鉛綺獨處一室日事織紵族人罕得見其面事聞詔旌其門題之曰貞淑

周廷輝女

周廷輝女松陽人年十八有姿色正統間避難橫山寇至欲迫去不從卽以刃礮其頸晉之女曰欲殺卽殺決不汝從遂被害鄉人哀而葬之

周本恭妻趙氏

周本恭妻諸暨趙孟德女名淑少時父嘗授孝經列女

傳等書年十八歸本恭十一年而恭卒時值兵亂湖廣
捐自誓孳孤從一媵避山谷間飢餓顛踣無二心亂既
定還家治麻纒自給夜然松脂舉詩書以授諸孤其兄
公亦早死淑撫其遺孤如已生婚娶亦先焉後皆成立
蔡儼妻包氏

蔡儼妻包氏宜平人幼有淑質適儼勤於內助正統中
鄉寇作亂包氏從舅姑避難東岩岩破包氏被執給贖
曰我有金銀藏岩穴中實往取之賊以爲然同至其所
遂自投岩下死

谷得與妻陳氏

谷得與妻陳氏，麗水人。年二十二，善容色。景泰元年春，叛賊陶得二輩劫掠鄉林，陳與隣嬭同避岩穴，爲賊所執。欲犯之，隣嬭不敢拒，陳獨憤罵不從。賊脅以白刃，罵愈不絕。賊怒而殺之，賊去，鄉人斂其骸葬於小嶺，因名其嶺爲烈嬭橫。

翁錄妻鄭氏

鄭氏，名惟孝，慈溪海豐尹鄭淵女。歸翁錄，錄奉例輸米，携鄭上京。卒於途，鄭挾柩歸葬。時年二十七，無子，翁伯

仲欲奪其志。鄰曰：有姑在，姑亡，又欲奪之。曰：有父母在，遂大歸於宗。纜絰自給，及父母亡，屏處敵舍，瓦鋪地，以。供朝夕。年踰六十，出所積，治棺梓，緘衾，甫具而竟，以微疾死。

楊孟輝太守貞

楊守貞者，鄞人。楊孟輝女也。甫八歲，字俞氏。伯子頃之。伯子夭，俞氏請以仲繼。楊父母許之。守貞聞，嘗悒悒不樂。比俞請婚，期守貞以死自誓。泣拜母前曰：兒死矣。兒死矣。大人許兒爲俞伯頰，曷知有仲也。願大人以兒子。

高之。雖白首不悔。父母憐而許之。遂母起一小閣。絕不與家人相接。年六十四而卒。楊氏私謚爲守貞。

諸仕女妻舒氏

諸仕女妻餘姚舒慶女。名貞。年十八。歸仕俊。仕俊救服買。既娶。貞稍流連。貞曰。人其謂我何。力贊之行。行未兩月。而計至。貞哀慟屢絕。聞者無不隕涕。如是者三月。仕俊骨歸。貞親營墳葬之。哭曰。所來同穴者。爲姑在也。其姑念家貧。身老。貞年方十八。恐後無所賴。謀嫁之。貞甘紡績奉姑。終身若嫁。但卒死耳。寡貞者。乃重賂其父。

母業已定盟矣。貞知其不免也。給父曰：俟吾薦夫畢，惟父所欲適。於是賣其衣飾，擇日治齋，供供畢，漏下已四十刻矣。速其母與姑，俱就寢。乃沐浴，衣麻衣，被以長裘，牢結之，而截其餘帶，用素帛裹其足，取夫嬾故所服御，實一篋內，以赴火焚之。遂自經。俄而火熾，衆驚救之，則貞已死矣。

趙孝女

趙孝女奉化趙鎮之女。父母連喪，女時年十八，尚未納采。弟淦幼，未能立。女念無以撫淦者，遂誓不嫁。育淦成。

立至娶妻生二子曰英日豪時年四十矣士大夫皆重其德欲令歸於貴族而其弟旋歿女又誓不嫁撫其二姪比英豪相繼歿又撫英之子諫女終不嫁而宗祀賴以不墜人稱爲孝女云

包文助妻張氏

張氏名如湏，鄞人。年二十二歸包文助。甫暮月生子旬未及晬而文助夭。夫之女弟誘以改志，毅然不聽。女弟見不可奪，夜僞爲鬼祟以怖之。張知其僞，覆燈以覘，俟祟發，卽啟燈。女弟大慙而退。自是屏華飾，勤紡績，養姑。

育子卒。振包氏之宗。旬長丕弘家業。孫魯蓄蓄。年八十餘而終。後曾孫澤溥聯舉科第。爲御史人。以爲節義之報云。

徐傑妻任氏

任氏慈溪人性貞肅。年二十歸徐傑。甫二年。傑以應試不第。快快致疾。將屬續。而子錦方在娠。任泣語其夫曰。君上有母而吾幸有娠。必期奉母育孤。以存若後。誓不毀節辱君也。傑於枕上作頌首狀曰。謝卿果爾。吾目瞑矣。夫亡一月。子錦生育之。漸長。使讀父書。嚮環釧以佐。

費勤織紝以資養卒成其子錦第進士官至都御史

包謙妻鄭氏

鄭氏陝西臨潼人父任杭州府稅課大使携女隨任擇杭士秀拔者得錢塘包謙歸之謙舉成化己丑進士授行人卒於京師鄭氏時年二十六父聞謙卒命其子至京迎回臨潼守制遺孤光弼方五歲鄭氏謝泣曰予歸侍父兄則包氏宗祀絕矣遂扶柩還杭家屢空勤女紅以自給無間昕夕寒暑十指皆舉課子讀書焚膏盈寸竟始就寢日以爲度或誦讀稍怠卽抱謙神主哭不輟

聲子亦奮勵應明經選官貴池縣學訓導鄭氏年八十
三始卒

張昱妻彭氏

張昱妻彭氏字妙寧嘉興人父公衍有文行教以列女
傳諸書及節義事妙寧曰是不難人當壁碎而潔無寧
瓦全而穢父鍾愛之館昱爲甥未幾昱疾且革妙寧泣
曰妾與君同年生必期同年死君苟不幸妾固不忍獨
存已而昱死兒尚在抱旣殯輒欲自盡姑挽奪得不死
姑泣戒曰吾年老爾兒幼且病忍弃捐邪乃奉姑命謂

護其兒。兒愈。遂絕飲食。髮既號泣。五日而死。

陳佳妻王氏

王氏。慈。黠。人。既聘於陳。而夫佳病。且革。爲娶王以慰之。及門。卽入侍湯藥。未幾佳死。時王年方十七。卽屏簪珥。服御。衣。斬。衰。誓不再嫁。後姑張。遇之無恩。責其未成禮。而守。爲無名。王曰。既入陳氏之門。經事君子。何謂無名。張乃使人邀其二弟。從容諷之。王不答。入卧內。截髮。以示張。終欲強之。窘辱百端。二小姑凌之若婢。稍不順。輒斥其面。張聞。復加捶楚。王曰。無怨言。第曰。不逼嫁。爲婢。

亦甘也。每夕寢處小姑床下，受卑濕，遂病偃。王私自幸，曰：吾今而後，吾知免矣。鞠其猶子梅爲嗣，保愛過於已出。教之業文，後領鄉薦，爲祁門教諭。王以高壽卒。

吳節嬭鄭氏

吳節嬭者，平湖鄭氏女也。父肅娶於茹，雍敬一德，寔生節嬭。節嬭幼閨內，則年十七歸海鹽吳，贈君某。未幾，贈君殞矣。當是時，節嬭年纔二十八，有兩孤，日夜躬衣食，教之茹茶，揮血益久，益勵。蓋五十年，年七十八而終人。咸稱爲吳節嬭。云節嬭執勞自飭，蠶績織紉，寒燠無休。

時姑且亡，門幼女，隔之節，頰以累汝。節頰育而嫁之，禘
衿九十事，其舅始終極恭順。雖魚菽之薦，筐篚必自蠲
曰：養與祭皆頰人事，敢不虔。節頰又能念父母孝敬不
衰，歲時上冢輒泣下，徘徊不能去。時時述贈君長厚事，
教兩孤曰：而父宜有後，慘結酸愴，然未嘗夜哭也。仲子
舉進士，令宣城分祿遺節頰。節頰曰：嗟乎！祿養汝，庶輟
汝祿無妨。汝庶乎慎，無復爾。既封太安人，貴矣，益緜儉。
居約一布被，更六十年。綴緝不忍弃。正德中有盜，與有
司擬上之朝，節頰則謂仲子曰：從一而終，吾盡吾心焉。

耳。業受封，敢違再命。汝亟謝，故有司報弗請。兩子長昇，仲昂仕至福建右布政，自有傳。

葉孔賓妻鄭氏 妾何氏附

葉孔賓妻鄭氏，青田人。孔賓父卒於官，往報喪，渡揚子江，舟覆而沒。鄭氏年二十三，子甫生十月，家貧，或勸改適。鄭矢心不從。妾何氏年二十一，鄭曰：我守夫志，若無子，宜出。妾涕泣曰：主母既守志，妾當奉以全節，何以出為？相依紡績度日，葬舅姑，撫幼子，共處六十餘年。時人謂之雙清。

孫玉妻楊氏

楊氏、仁和人。年十九，歸錢塘孫玉，承事舅姑，以孝敬稱。居數歲，玉卒，楊氏哀毀絕粒，求以身殉。姑諭之曰：「吾二老人待汝以終，藐諸孤，待汝以育，汝安得死於此？」楊氏雪涕強食，誓天守志。時年二十七耳。人有欲移其志者，輒斥絕之。終身不與語，屏去膏沐，恒自稱未亡人。勤儉克家，以守夫業。教二子宗、簡，宗、簡必以德義及舅姑相繼。殯，塋奩具，以妻大事。人云：孫氏有類勝於有子。

何謙妻吳氏

吳氏名慶真海寧人許字何謙未歸而謙在慶真遂衣
衰麻爲謙執節父母憐其少欲奪其志慶真哀慟不欲
生遂寢已而父母相繼歿兄嫂因其志不可變因析屋
分爨以恐之慶真依幼弟景輝以居紡績自食者八年
弘治丁巳冬舅姑爲謙襄事慶真具牲醴偕兄弟哭奠
畢回家闔寢室自縊時年二十有八舅爲歛屍合葬
縣令江東易墓贊曰春風桃李天六禮初交夫類既定山
嶽不搖破鏡埋光孤鸞沉影一身綱常重於九鼎俾彼
高岡馬鬣其中生未同處死則同封嗟哉烈女節義完

備所讀何書不識一字

高逾妻李氏

子頌曹妾陸附

李氏名阿妙，桐鄉人。年十八，歸逾。生子熊，方穉而逾死。家貧，舅姑復相繼歿，歸依其母吳氏。以若母論之，改歸。轉痛絕，母不復強。熊既長，娶曹，無子。李爲熊娶妾陸氏，甫得子而熊又死。曹與陸皆矢心不棄，上事孀姑，下撫弱子，兩世三節，鄉黨重之。

兩浙名賢錄卷之五十一終